

La chombra gronda vul prolungar il moratori per gentec

lescha davart la tecnologia genetica en l'agronomia

■ (sda/anr/vi) Il cussegl naziunal vul prolongar il moratori da gentec per quatter ulteriurs onns. El suonda pia il cussegl federal che vul cuntinuar cun il scumond. La decisiun è crudada ier cun 98 cunter 89 vuschs ed ina abstenziun. Da plantar graun, tirc u tartuffels ch'èn manipulads geneticamain è scumandà en Svizra. In tal moratori ha il parlament gia prolungà duas giadas. Excepsiuns datti per la perscrutaziun. Il cussegl federal vul prolongar per quatter onns il scumond che vala anc fin il davos da l'onn proxim. Per il temp che suonda duai ina lescha lura reglar co e cum ch'ins dastga plantar graun u outras plantas manipuladas.

«In scumond illimità fiss in signal fatal per la perscrutaziun. Plazzas da lavur pudessan svanir en l'exteriur», argumentescha la cussegliera naziunala *Andrea Gmür* (pcd/LU). Il pievel saja s'exprimi il 2005 be per ina moratori da tschintg onns, di *Fathi Derder* (pld/VD). En il framtemp demussian expertisas scientificas

dess il parlament anc adina reponderar la decisiun.

Vivas discussiuns

Illes avantatgs e disavantatgs da la tecnologia genetica han manà a discussiuns vivas en il cussegl naziunal. Illes sceptichers han fatg valair ch'ins dovria ina massa pesticides sin champs nua ch'ins cultivescha plantas da gentec. Quai fettschia donn a la varietad da las spezias. Illes purs daventian plinavant dependents dals concerns d'agrochemia che furneschian tant la semenza sco er illes erbicides correspondents. L'acceptanza en la populaziun saja fitg bassa. E la tecnologia genetica na saja – auter ch'adina puspè pretendi – nagin agid cunter la fom mundiala.

Da l'autra vart han ins fatg attent sin programs naziunals da perscrutaziun. Quels vegnian a la conclusiun che plantas da gentec na cuntengian nagins ristgs. Ed ins dovria anzi pli paucs erbicides. Ins na veglia sfurzar si a nagin



A lunga vista datti probabel ina lescha speciala per la tecnologia genetica.

KEYSTONE

che la cultivaziun da plantas da gentec na sajan nagin privel.

Ina gronda minoritad ha perencunter vuli extender il moratori sin temp illimità. Uschia na stuess il parlament betg sa fatschentar mintga quatter onns cun ina prolungaziun, di *Mark Dettling* (ppsl/ZH) en num da la cumissiun. Sch'i dess tuttenina resultats sensaziunals en la scienza davart la tecnologia genetica pu-

questa tecnologia, han argumentà plirs cussegliers naziunals. Ins veglia simplamain laschar avert questa pussaivladad. «Sche vus essas segirs ch'ils consumers e purs na vulan naginas plantas manipuladas, daco na laschais lura betg tscher-ner els?», ha dumandà la ministra d'ambient *Doris Leuthard*. Cun in moratori illimità na dettia quai nagina libertad da tscherna.